

БЛАГОВѢСТНИК

РОЧНИК VII. * ЧИСЛО 8. * АВГУСТЬ 1927.

ОТВѢЧАТЕЛЬНЫЙ РЕДАКТОР: О. ЕМИЛІЯН БОКШАЙ

СОДЕРЖАНИЕ:

Чому не вѣрутъ? — Де знайти
правду? — Въ оборонѣ вѣры. —

Житя св. малої Терезії. — Мѣсячное
намѣреніе на Августъ. — Новости.

ВЫДАЕ ВЫДАВНИЦТВО ЧИНА СВ. ВАСИЛІЯ ВЕЛ. В УЖГОРОДЪ

из КНИГОПЕЧАТНИ ОО. ВАСИЛІЯН В УЖГОРОДЪ, УЛ. РАКОВЦІЯ ЧИСЛО 54.

Выдавництво Чина св. Василія Великого въ Ужгородѣ

поручає слѣдуючѣ книжки своєго изданія:

Повный Требникъ (печатаный въ Жовквѣ). Обнимаетъ 899 стор.

Находятся въ немъ всѣ чотыри части: I. Таинства, II. Освященія, III. Благословенія, IV. Моленія на всяку потребу. Двойной друкъ: чорный и червоний. Форматъ дуже добрый. Ясный переглядъ, буквы читкѣ, выразнѣ.

Оправленый въ кожу стоитъ 150 Кч, а съ поштою порученою 155.— Кч.

Молитвенникъ для греко-кафолицкого русского народа.

Составилъ о. Петро Котовичъ ЧСВВ. стор. 507. Изд. II.

Содеряніе сеѧ книжки: Короткій катехизмъ; Молитви повседневніи; Молитви утреніи, Молитви вечерніи, Молитви подчасъ Службы Божої, Приготовленіе до св. Сповѣди, Молитви передъ и по сповѣди, Молитви передъ и по св. Причастію, Молитви до пресв. Сердца Іисусового, Молитви до Пречистої Дѣви Марії, Молитви до святыхъ. Чинъ Утрени, Божественная Литургія, Чинъ Вечерни. Акафистъ до I. Христа, Акафистъ до Преч. Дѣви Марії, Тропаръ воскресніи и псовседневніи, Служба на всякое прошеніе, о усопшихъ, Тропари и Кондаки св. Четыредесятницы, Пятьдесятницы и всѣхъ праздниковъ декретальныхъ. Кромѣ сего е: Пѣснѣ на Рождество Христово, Пѣснѣ въ честь св. Троицы, Пѣснѣ въ честь Преч. Дѣви и св. отца Николая, Пѣснь благодарственная, Календарь цѣлого року и Пасхалия.

Оправленый въ полотно стоитъ 7 Кч. Съ поштою засылкою 7·80 Кч.

Отпустовъ молитвы. Сеѧ книжочка содержить: Короткое поученіе о отпustахъ и дасколько молитовъ надѣленыхъ отпustами.

Стор. 16. — Цѣна 50 гел., а съ поштою засилкою 70 гел.

Образцѣ (печатанѣ одною краскою): 1. Пресв. Сердце Іисуса; 2. Св. Іоаннъ на грудяхъ I. Христа; 3. Св. Ангель Хоронитель. На всѣхъ образцяхъ на оборотѣ помѣщенѣ одповѣднѣ молитвы.

1 примѣрникъ (дарабъ) стоитъ 12 гел. 100 примѣрн. 12 Кч,
съ поштою засылкою 12 Кч 50 гел.

Образець Матери Божої Мукачевскої съ пѣснею на оборотѣ.

Цѣна одного примѣрника 40 гел.

Роздумай то добре. На рускій языкъ переклавъ о. В. Желтай. Первое изданіе. Содержить науки о цѣли человѣка, о грѣсѣ, о смерти, о судѣ, о пеклѣ, о чистилищи, о небѣ и о сповѣди.

Брошуревана книжочка, сторонъ 160.

Одинъ примѣрникъ стоитъ 5 Кч, а съ поштою засылкою 5 Кч 60 гел.

Маєме такожъ на складѣ Книги до записуванія інтенцій Службъ Божихъ. (200 стор. оправленыхъ) по 28 Кч. за примѣрникъ вже з поштою.

Засылається лемъ за готовъ грошъ або за послѣплатою (dobirka)

Листы и грошъ треба засылати на адресу:

Выдавництво Чина св. Василія Великого, Ужгородъ,

— Раковци улица число 54. —

Листы изъ заграницы треба адресовать такъ:

Vydavnyctvo Čyna sv. Vasiliya Velikoho, Užhorod,
Rakociho ulica č. 54. Podkarp. Rus. ČSR. — Europa.

БЛАГОВѢСТНИКЪ

ДУХОВНА ГАЗЕТА ДЛЯ ПОДКАРПАТСКИХЪ РУСИНОВЪ

Выходить 1-го кожного мѣсяця.

Адреса

Редакціѣ, адміністраціѣ и експедиціѣ :
Выдавництво Чина св. Василія Великого
въ Ужгородѣ, улиця Раковци число 54.

Предплата:

Въ Республіцѣ на цѣлый рокъ 10 Кч.,
за границю 17 Кч. — До Америки 0·50 (попіль) дол.
Одно число „Благовѣстника“ стоить 1 Кч.

РОЧНИКЪ VII.

ЧИСЛО 8.

АВГУСТЬ 1927.

Чому не вѣрують?

НЕ что таити, уже и меже нашимъ народомъ розширяються безбожіе и безвѣріе. Схизма, яка розбила нашу релігійну єдноть не малу заслугу має въ томъ, что многъ одвернулися одъ всякої релігії; потомъ прійшовъ комунізмъ, что явно виступивъ зъ борбою противъ христіянскої вѣры и Бога. Але се явище не є новое въ історії Церкви. Навѣть самъ Спаситель много мавъ боротися зъ безбожними фарисеями и хоронити народъ одъ ихъ безбожного впливу.

Одного разу принесли до Христа чоловѣка слѣпого и нѣмого. Христосъ отворивъ ему очи и уха такъ, что видѣвъ и чувъ. А безбожники-фарисеї ци поклонилися передъ божествомъ Христа и ци признали Его Сыномъ Божимъ? Нѣть! Сказали, что онъ выганяє діявловъ властію Белзебула, князя діявловъ.

Другій разъ Христосъ выздоровивъ въ Іерусалимѣ хлопця, слѣпого одъ уродженя. Весь народъ чудовався и всѣ признали, что случилося великое чудо. Лишь фарисеї-безбожники противилися. Хотѣли насильствіемъ, тероромъ задусити правду, чтобы народъ неувѣривъ въ божество Христа. Напали на родичовъ, чтобы сказали, что то не ихъ сынъ бывъ. Потомъ прикликали хлопця, называли его грѣшникомъ и грозили, что вывержутъ изъ синагоги, если признає Христа за Бога. И на конці по правдѣ и вывергли.

Зновъ по воскресеню Лазаря, коли майже цѣлый Іерусалимъ увѣривъ въ Христа, фарисеї виѣ себе били изъ лютости. „Что маємо робити? Сей чоловѣкъ робить превеликѣ чуда“. И зробили совѣщаніе, что убить его. Бо, якъ на томъ собранію сказавъ первосвященикъ Каяфа — „лучше, чтобы одень чоловѣкъ умеръ, якъ чтобы весь народъ пропавъ“.

Отже видите якими средствами воювали фарисеї-безбожники противъ Христа. Не доказами, не просвѣщеніемъ, але брехнею, тероромъ и убійствомъ. Само такъ, якъ нынѣшнїхъ схизматики и комунисты. Але Христосъ не давъ на сѣ посмѣхи и угрозы ничъ. Ишовъ своєю

дорогою прямо и непохитно. И всѣ тѣ посмѣхи и угрозы навѣть и его смерть не спинили, чтобы по Его вознесеню не прослави-
лося его имя и не розширилася на цѣломъ свѣтѣ его наука, хри-
стіянска вѣра.

Сему уже майже 2000 роковъ. Але якъ не знищилися его наука, его вѣрники, его Церковь, само такъ не утихли и его вороги. И днесь жіють наслѣдники тыхъ безбожныхъ фарисеовъ и теперь суть тѣ, якъ не хотять его признати за Бога, и теперь суть такъ, котрѣ зъ по-
смѣхомъ, тероромъ и убійствомъ воюють противъ Него и противъ его Церкви.

До сихъ безбожниковъ належать передовсѣмъ щасливѣ, бо-
гатѣ люде. Сѣ, котрѣ думаючи на свое богатство говорять, что не потребують Бога и его помочи. Они можуть цѣлкомъ выгодно жити и безъ Бога. Якъ той богачъ казавъ: „Душа моя єджъ, пий, весе-
лися, маешь много добра на многѣ лѣта“. Христосъ сихъ называвъ безумными. И дѣйстно! Сколько разъ случилося, что богачъ зъ одного дня до другого стали бѣдными, сколько разъ царѣ, котрѣ стояли надъ народами мусѣли уг҃кati изъ краины и жити въ выгнанію? Сѣ за-
розумѣлѣ богачъ мають подумати, что Богъ годенъ огорчити ихъ житя хворою, нещастемъ, смертю або неспокойствіемъ ихъ со-
вѣсти. У тыхъ высокихъ палатахъ не разъ больше горя и нещастія якъ въ бѣдныхъ хатахъ худобныхъ людей!

Але и межи бѣдными людьми находяться такъ, котрѣ подъ великимъ тягаромъ житія, подъ ударами нещастя утратять свою вѣру и вздыхаютъ: Если бы бывъ Богъ, не дозволив бы сію несправедливость! Сѣ нещастливѣ душѣ не подумаюти, что наше сеземное житя не е послѣднимъ словомъ Бога, сѣ не мають такоѣ терпеливости, якъ Іовъ, кто подъ найтяжими ударами зновъ сказати: „Богъ давъ, Богъ взявъ, най буде имя его благословенное“, сѣ не пригадуютъ себѣ, что въ притчѣ Іисуса Христа о бѣдномъ Лазарѣ, богачъ му-
чився въ вѣчномъ огни, а Лазарь утѣшався на лонѣ Авраама. Сѣ бѣднѣ душѣ не подумаюти, что коли хмарное небо, надъ хмарами зато тамъ е свѣтлое сонце, и такъ и надъ ихъ захмаренымъ житіемъ чуває провѣдѣніе Бога Отця небесного!

Але переважну часть нынѣшнихъ безбожниковъ становлять тѣ люде, котрѣ грѣшино жіють. Старѣ грѣшники уже такъ привыкли до грѣшного способу житія, что не мають дяки и снергіѣ его змѣнити. Лекше имъ сказати, что нема Бога! Або тѣ молодѣ роз-
пустнѣ юношѣ, котрѣ думають, что можно розпустно и безморально жити коли Бога не е. Але сѣ не розумомъ, лишь сердцемъ отрица-
ютъ Бога. Про нихъ каже св. Писаніе: „Рече безумный въ сердцѣ
своемъ нѣсть Богъ“. Безумнѣ, бо они знаютъ, что е Богъ, але сердцемъ желають, чтобы не бывъ, чтобы могли свободно жити, безъ всякоѣ отвѣчальности. Они бояться Бога и утѣкають одъ него, и кричатъ, чтобы себе обманути. Не „Вѣрую“ тяжко имъ приняти, але „Х. Божихъ Заповѣдей“, не вѣра хибитъ у нихъ, але добре и чистое сердце. Добре знать, что доки „Вѣрую“ е, доти е и „Х. Божихъ Заповѣдей“. Они отвергли одъ себе заповѣди, та мусятъ отверечи

„БЛАГОВѢСТИКЪ“

одъ себе такожъ и вѣру въ Бога. По правдѣ заслугують на то, чтобы ихъ св. Писаніе „безумными“ назвало.

Суть зновъ другъ, котрѣ гордѣ на свою ученость и не хотять поклонитися передъ Богомъ. Сѣ надутѣ и зарозумѣлѣ паны най подивляться на звѣздяное небо и най позвѣдають одъ себе: Ци той чудесный ладъ, що царствує меже миліардами небесныхъ звѣздъ, тѣ величезнѣ свѣты, при котрихъ наша земля не больша якъ порохъ, ци можуть быти продуктомъ слѣпого припадку, або выслѣдомъ несвѣдомоѣ материѣ. И потомъ най приклоняютъ свою горду голову и признають, что: „Небеса повѣдають славѣ Божїю, творенїе же рѣкѣ Гнѣвѣ возвѣщаєтъ твѣрдь (небозводъ)“.

Христосъ тыхъ невѣрныхъ фарисеовъ называвъ слѣпыми! И дѣйстно ослѣпила ихъ ненависть, богатство, зарозумѣлость, гордость и порочность сердца. Само такъ слѣпими маеме и мы называть нынѣшнихъ безбожниковъ, котрѣ або про житіовъ журы, про богатство, порочность сердца, або зарозумѣлость ума не годнѣ дивитися на Бога. Мы зъ святою гордостю дивимеся на тыхъ нещастливыхъ слѣпихъ людей, шкодуеме ихъ про ихъ слѣпость, але не идеме за ними. Христови не пошкодили посмѣхи, терроры, угрозы фарисеовъ, Христосъ переживъ и побѣдивъ всѣхъ и прославився, такъ и наша вѣра, наше упованіе зостануть побѣдоносными надъ ихъ слѣпотою. Мы идеме за Христомъ, Онъ е „свѣтъ міра“ и мы знаеме, что за нимъ идучи не упадеме въ пропасть.

Де знайти правду?

Написавъ свящ.: ТЕОДОЗІЙ ЛЕЖОГУБСКІЙ.
(Продовження).

Святый Петро, видимый Голова Церкви.

Въ суботу вечеромъ зайдовъ о. Петро до комнаты хорого зъ великою книгою подъ рукою.

— А что за книгу принесли отецъ? — позвѣдавъ поспѣшно хворый, не зводячи очей зъ о. Петра.

— Се Минея — одповѣвъ о. Петро.

— Минея? Ци така сама, якъ е є уживають у насъ при Богослуженю? — звѣдавъ хворый.

— Такъ! — одповѣвъ о. Петро. — Не только что така сама, але навѣть выдана у васъ въ Киевѣ. Изъ такоѣ Минеѣ одправляяся Богослуженіе въ россійской Церкви. Я е є принѣсь нарочно, чтобы Вамъ показати, что и у вашихъ богослужебныхъ книгахъ е много такоѣ науки, якоѣ держиться каѳолическа Церковь, а якоѣ не хоче признати россійска, хоть и одправляє изъ нихъ Богослуженія. Та поки укажу вамъ отсѣ мѣста въ Минеї, мушу передъ тымъ да что розповѣсти.

— Одною зъ найважнѣйшихъ рѣжницъ межъ наукою каѳоли-
скою Церкви, а наукою Церкви греческою та россійскою е се, что
каѳолическая Церковь признає римского папу своимъ видимымъ Головою,
а ваша Церковь сего признати не хоче. Тому то я хочу про
се Вамъ розказати. Та доки розкажу, мушу напередъ розповѣсти
про верховного апостола св. Петра та про то, якъ то Іисусъ Хри-
стосъ поставивъ его видимымъ Головою своею Церкви.

Спаситель обѣяе поставити св. Петра видимымъ Головою Церкви.

— Св. Евангелистъ Маѳей въ 16. главѣ своего Евангелія роз-
казує ось такое: Одного разу прійшовъ Іисусъ зъ своими учени-
ками въ стороны мѣста Кесаріѣ Филипової. Ідучи дорогою, зазвѣ-
давъ своихъ учениковъ: „За кого мають мене люде?“ Ученики
стали одповѣдати. „Одни — казали — мають Тебе за Іоанна Кре-
стителя, другъ за Іллю, іншѣ за Еремію, або за якогось пророка“. „А за кого маєте мене ви? — звѣдавъ далъше Іисусъ Христосъ.
Тогда Симонъ Петро одповѣвъ: „Ты єси Христосъ. Сынъ Бога живаго“. На се сказавъ Іисусъ: „Блаженъ єси Симоне вѣрѣ (сыну) Іѡна,
їако плѣтъ и крѣвъ не їавї тебѣ, но Отецъ мой, йже на небесѣхъ. Й азъ
же тебѣ глаголю, їако Ты єси Пётръ й на сѣмъ камени созижда Церковь
мою й вратама їадова не їодолїю гъ єй. Й дамъ тебѣ ключи царства небеснаго,
й єже їще скажеши на землї, бѣдетъ скажано на небесѣхъ, й
єже їще разрѣшиши на землї, бѣдетъ разрѣшено на небесѣхъ“.

— Кождому, кто зъ увагою прочитає сѣ слова Спасителя мус-
ить прійти на гадку, что Христосъ хотѣвъ ними св. Петрови прі-
обѣщати чось, чого не пріобѣщавъ іншимъ апостоламъ. Іисусъ Хри-
стосъ сказавъ: „Ты е Пётръ и на семъ камени збудую мою Цер-
ковь“. Имя Петро е утворене изъ греческого слова и значить только,
что камень, скала. Тому и значеніе тыхъ словъ Іисуса Христа е: Ты
е каменемъ, (скалою) и на семъ камени я збудую мою Церковь.

— Чимъ же має быти Петро? Не чимъ іншимъ, якъ каменемъ,
т. е. фундаментомъ, подвалиною, на якой Христосъ хотѣвъ збудовати
свою Церковь. Фундаментъ е найважнѣйшою частію будинку, бо на
немъ стоить будинокъ и въ немъ цѣла его сила и крѣпость. Цер-
ковь Христова е зборомъ (товариствомъ) всѣхъ, что исповѣдають науку
Іисуса Христа, а Петро має по словамъ Спасителя, быти найважнѣй-
шою еї частію, на якой она стоить. — Чимъ же має быти Петро
въ Церкви Христа? Въ будинку найважнѣйшою частію е фунда-
ментъ, а въ товариствѣ той, кто нимъ проводить, кто стоить на чолѣ
товариства, значиться голова. Зато Петро, кого Христосъ называє (фундаментомъ)
подвалиною Церкви, мавъ зостати еї Головою.

— Але ідѣмъ далъше. Коли Христосъ пріобѣщавъ св. Петрови,
что его зробить Головою своею Церкви, каже: „И тобѣ дамъ ключи
царства небесного“. Кто має ключи дому? Правда, что господарь,
голова газдовства. Тожъ и Христосъ oddаючи Петрови ключи небес-
ного царства, робить его господаремъ, Головою своею Церкви и то-

господаремъ, кто мае власть „вязати и розвязовати“. Что значать слова „вязати и розвязовати?“ „Вязати“ значить только, что выдавать приказы, бо приказъ вяже, (обовязує) того, до кого онъ зверненый, а „розвязовати“ только, что зносити приказы, або и заказовати, бо коли сей, кто мае право выдавать приказъ, знесе его, тогдь той, до кого приказъ бывъ зверненый, вже вольный одъ него — розвязаный. А съ приказы Головы Церкви мають таку силу, якбы ихъ выдававъ не звычайный чоловѣкъ, а самъ Богъ, бо Христосъ каже: „Что ты звяжешь на земли, буде звязано въ небѣ, а что розвяжешь на земли, буде розвязано въ небѣ“, значиться: „Что ты прикажешъ, то такъ, якбы приказавъ самъ Богъ въ небѣ, а что ты закажешъ, то такъ, якбы заказавъ самъ Богъ“.

Что учили греческѣ Отцы Церкви?

— Чудово до сихъ словъ говорить св. Іоанъ Златоустый, котрого такъ высоко почитає греческа и россійска Церковь, что признає его однимъ изъ наибольшихъ Отцовъ Церкви. Онъ звѣдає: „Что значитъ: Дамъ тебѣ ключи?“ и одповѣдає: „Якъ Отецъ давъ тебѣ познаніе о менѣ, (что я е Сыномъ Божимъ), такъ и я дамъ тебѣ. Онъ обѣщає дати Петрови се, что властиво принадлежить Отцеви та робить Церковь непохитною середъ всѣхъ бурей и простого чоловѣка робить твердшимъ одъ всякого каменя“. Опираючися на сихъ словахъ Спасителя, всѣ христіяне признавали св. Петра Головою Церкви.

— Не хочу наводити того, что о томъ говорять св. Отцы западної Церкви, чтобы вы не думали, что такъ вѣрили та учили только они. Въ томъ, что Іисусъ Христосъ установивъ св. Петра Головою Церкви, однаково учать и западнѣ и восточнѣ (т. е. греческѣ) Отцы Церкви, якихъ и россійска Церковь признає Святыми.

— Св. Кириль, епископъ іерусалимскій, выразно называє св. Петра найпершимъ меже апостолами, найвишшимъ Учителемъ Церкви, а св. Іоанъ Златоустъ прямо каже: „Петро се Церковь Божа“. Въ іншомъ мѣстѣ сей великий Учитель греческої Церкви, роздумуючи надъ словами І. Христа: „Ты е Петро и на семъ камени збудую мою Церковь“, каже: „Петро названий е каменемъ, бо на немъ поставивъ Христосъ свою Церковь“.

— Не хочу наводити больше высказовъ св. Отцовъ, а загляну разомъ зъ Вами, до сеї книги, что я е є принѣсь, изъ якоѣ въ россійской Церкви одправляєся чтоденное Богослуженіе.

Что кажуть богослужебнѣ книги греко-россійскої Церкви?

Въ Минеи, на день 16. января, коли и россійска Церковь обходить свято: „Поклоненіе честнымъ веригамъ (оковамъ) святого и всехвального апостола Петра“, читаеме ось такъ слова про св. Петра: „Нынѣ Петро, подвалина Церкви, камень вѣры, показує намъ свої чеснѣ ланцухи“.

„Ты (св. Петре) утвердивъ Христовъ законы и проступниковъ научивъ справедливости якъ верховный начальникъ апостоловъ, якъ крѣпкій фундаментъ догмъ (правдъ вѣры).

„Выхвалимъ найвышого и первого апостола... великого Петра“.

„О наставнику апостоловъ блаженнѣйшій Петре!“

„Ты ланцухи носивъ, держачи першій престолъ межъ апостолами“.

А загляньме еще на день 29. юнія, коли то Церковь обходить свято Верховныхъ апостоловъ Петра и Павла. Тамъ читаеме: „Петре, подвалино апостоловъ, скало Церкви Христовоѣ, початку христіянъ, паси славно овци своего стада, заховай свои ягнята одъ хитрыхъ вовковъ, спаси свое стадо одъ напасти злыхъ“.

„Достойно заспѣвайме въ честь верховного начальника апостоловъ“.

— Ци выстарчать вамъ съ мѣста изъ вашихъ богослужебныхъ книгъ? Кто ихъ тамъ помѣстивъ? Тѣ, что ихъ складали: Греческѣ Отцы Церкви.

— Ци може теперь совѣстный чоловѣкъ заперечити, что давна, греческа Церковь вѣрила, что Христосъ поставилъ св. Петра Головою Церкви? А теперѣшня греческа Церковь, та и ваша россійска, что приняли тѣ книги одъ давноѣ греческої Церкви, зъ часовъ передъ Керуларіемъ, ци вѣрять, что Іисусъ Христосъ установивъ св. Петра Головою Церкви? Не хотять, хоть въ честь его, якъ Головы Церкви, похвалинѣ пѣснѣ спѣваютъ. Циproto ваша вѣра е вѣроудавноѣ Церкви греческої? Каждый мусить сказать, что теперѣшня греческа Церковь, россійска та іншѣ, что зъ нею держать, покинули давну, правдиву вѣру Христову.

Хворый взявъ въ руки Mineю, ставъ перекидати листки та еще разъ одчитувати наведенѣ выше слова, якбы не хотѣвъ вѣрити своимъ властнымъ очамъ. Потомъ поглянувъ на першій листокъ книги та прочитавъ, что се справдѣ книга, якоѣ уживається въ россійской Церкви, яку и выпечатано въ Кіевѣ въ р. 1811.

Думки хворого.

И чуднѣ гадки приходили ему на думку. Якъ се може быти, думавъ онъ, чтобы нашъ учитель затайовали се передъ нами? Та тутъ цѣлкомъ ясно стоить написано. Мы самѣ признаеме св. Петра першимъ видимымъ Головою Церкви, се ясно стоить въ нашихъ богослужебныхъ книгахъ. А отсѣ книги старѣ-престарѣ, они не е выдумкою католиковъ, а дорогою спадщиною по нашихъ дѣдахъ-прадѣдахъ. Значиться, нашъ предки вѣрили, что Іисусъ Христосъ установивъ св. Петра Головою Церкви. А чому мы нынѣ не хотиме сего признати? Мы инакше вѣrimo, якъ вѣрили св. Отци греческої Церкви, значить мы покинули правду, а гр.-кат. держать еї.

Такъ думавъ хворый, та сказать сего не мавъ одваги.

Отецъ Петро зложивъ Mineю на бокъ и ставъ говорити далъше.

Симонъ-Петро.

— Не думайте, братя, что Спаситель только въ томъ одномъ мѣстѣ высказавъ, что св. Петра поставить видимымъ Головою Церкви. Вы знаете, что св. Петро заки ще Христосъ покликавъ его на апостола, назывався Симонъ. Коли братъ Петра Андрей, привѣвъ его першій разъ до Іисуса, то Іисусъ сказавъ: „Ты е Симонъ, сынъ Іоны. Одъ теперь будешъ называтися Петро“ (по еврейски Кифа). Что значить сеся перемѣна имени? Въ давнинѣ, коли комусь змѣнивало имя, то се означало, что призначуєся его до якогось дуже важного уряду. Такъ примѣромъ, царь Навуходонозоръ змѣнивъ имя пророкови Даніилови на Валтазаръ, бо призначивъ его на князя, а Фараонъ Іосифови на Псонтомфанихъ, бо призначивъ его на своего намѣстника. И Іисусъ Христосъ змѣнивъ Симонови имя на Петро тому, что уже ранѣйше призначивъ его до важного уряду, на Голову Церкви, своего намѣстника,

Отреченіе св. Петра.

— Такъ, се правда, — перервавъ хворый, — але св. Петро вырѣкся Іисуса Христа и то три разы, заки когутъ запѣявъ два разы.

— Добре, что вы менѣ се нагадали — продовжавъ о. Петро.

— Скажѣть менѣ: Ци Христосъ знатъ, что св. Петро его одречеся?

— Такъ! Безъ сумнѣву, бо Христосъ бывъ Богомъ та и напередъ предсказавъ се — одповѣвъ хворый.

— А зато хоть Христосъ знатъ, что св. Петро одречеся его, то всетаки сказавъ до него, что онъ буде подвалиою-головою Церкви — говоривъ дальше о. Петро. — Христосъ знатъ, что Петро выречеся его, але знатъ такожъ и се, что знайдуться такъ, что покликуючися на одреченіе св. Петра, будуть выступати противъ Петра, якъ Головы Церкви и тому въ послѣднихъ хвиляхъ своего житя, при послѣдній вечери звернувся до св. Петра зо словами: „Сімоне, Сімоне се саганà проситъ вѣсъ, дабы сѣмлъ, яко пшениць. Йазъ же молихъся о тебѣ, да не ѡсквѣдїтъ вѣра твоя и ты никогда ѡбрѣдися, отвердї братїю твою“.

— Сими словами сказавъ Христосъ: „Симоне! Отсе злый духъ просить, чтобы могъ вать сѧти якъ пшеницю, (значить, спокушовати вать до злого, розрывати вашу единство, захитовати вать въ вѣрѣ), але я молився за тебе, чтобы твоя вѣра нѣколи не зменшилася, а ты, якъ навернешся, (значить, коли по одреченю розкаешся) утверждуй навѣть своихъ братовъ-апостоловъ“. Выразно каже Христосъ: „Ты одречеся мене, але се одреченіе не одбере тобѣ власти, яку я пріобѣщавъ дати тобѣ, бо твоя вѣра буде непохитна (нѣколи не змениться) такъ, что будешъ мусѣти навѣть иншихъ братовъ утверждовать въ ней“.

— Тому то и св. Іоанъ Златоустый каже: „Богъ тому дозволивъ упасти верховному апостолови (якъ позднѣйше и деякимъ его



Кими недостойными оустнами^{*} оуклажимъ
Еї[†]?* честнѣйшю твари*, и слатѣйшю сми[‡] Хе-
рѹмъ, и всѣхъ Ангелъ*, престолъ царскій недвѣ-
жимый*, дѣлъ, въ нѣмже веалисѧ Прекрасный*, спа-
сенїе міра, Годжіє склащенїе:[§] подающю вѣронимъ въ
пожесткеннѣй памати єѧ,* когдтиш вѣлю мілостъ.

(Стихира Попразд. Усп. Пр. Б-цы, Гл. 2.)

наслѣдникамъ, папамъ римскимъ), чтобы зробити его покорнымъ и побудити его до большоѣ любови, бо кому больше одпускается, сей и больше любить“.

— Блаженныи Теофилактъ, епископъ болгарскій, кто живъ за часовъ роскольника Керуларія, раздумуючи надъ тымъ, говорить: „Симъ давъ Спаситель до познаня, что се утвержданіе въ вѣрѣ односиться не лишь до св. Петра и апостоловъ, але и до всѣхъ ихъ наслѣдниковъ, что будуть до конца свѣта“.

(Продовженя слѣдуе.)

|| ВЪ ОБОРОНЪ ВЪРЫ. ||

1. Св. Кирилъ и Меѳодій были родомъ греки изъ Солуни. Проповѣдали христіянство въ Вел. Моравіи на призывъ князя Ростислава въ IX. столѣтію. Не были нѣколи схизматиками, але постоянно твердыми гр.-католиками и вѣрными сынами наслѣдниковъ св. Петра.

Коли на призывъ папы Адріяна появилися въ Римъ, папа принимавъ ихъ зъ великимъ торжествомъ и ними переложенъ славянскѣ Богослужебнѣ книги положивъ на престоль, якъ дорогу жертву Богови. Меѳодій бывъ посвященый на епископа въ Римъ, також и зъ нимъ въедно дасколько славянскихъ священниковъ. Коли ихъ святили, св. Службу одправляли славянскимъ языкомъ въ храмъ св. Петра, другій день въ церкви св. Петропнелы, потомъ въ церкви св. Андрея, а въ ночи въ церкви св. Павла надъ его гробомъ. Св. Кирилъ зоставъ въ Римъ и тамъ вступивъ въ монастырь.

Коли Меѳодій вернувся въ Моравію якъ папою выименованый архіепископъ, папа заславъ князю Ростиславови письмо, въ котромъ дае дозволеніе ему проповѣдати Христову вѣру и одправляти богослуженія на славянскомъ языцѣ. Такожъ папа Іоаннъ VIII. написавъ письмо года 880. князю Святоплукови въ котромъ пише: „Уживаніе славянского языка, чимъ Богу oddається честь и хвала — потвердиме и розпоряжаеме, чтобы на томъ языцѣ спѣвана была Христу Господу слава и честь.“

Исторія свѣдчить, что св. братя николи не ходили до Царгороду просити дозволь о допущеня славянского языка въ богослуженіяхъ. Нашъ церковный языкъ, на котромъ кончиме и днесъ св. одправы бывъ посвященый и опредѣленый въ Римъ черезъ римскихъ Отцовъ.

Ізъ сего явно, что св. братя Кирилъ и Меѳодій нѣчого спольного не мали зъ схизматиками. Они были вѣрнѣ сыны Христової Церкви; якъ такъ жили, а такъ и умерли. Коли схизматики думають, что „твѣрдымъ православнымъ“ быти только значить, якъ пекельно ненавидѣти Римъ и наслѣдниковъ св. Петра, най звертаються до св. братовъ Кирила и Меѳодія, а они научать ихъ своимъ животомъ

и своими дѣлами. Схизма и ересь такъ далеко стояли одь св. братовъ Кирила и Меѳодія, якъ коли одь схизматиковъ далеко стоять правда и истинна.

2. Церкви на Подкарпатской Руси суть маетками не сельскими, але церковными. Може перейти и цѣлое село на схизму, церковь зостане маеткомъ гр.-католицкого епископства. Схизматики моглибы только здорового розума мати абы порозумѣти, что: кто змѣнивъ свою вѣру, той одказався всякого права до староѣ вѣры. (Лишь то хиба, что у нихъ ересь вытиснула здоровый розсудокъ и посадила слѣпу ненависть).

Насильственное забраня церквей у насъ хвала Богу уже перестало. Многѣ горько заплатили за то, что не уважали на VII. Божу Заповѣдь: Не укради! Нещастнѣ схизматики теперь, — коли екзекуторы понесли одь нихъ и послѣдну корову — проклинаютъ тыхъ батюховъ, котрѣ подбурили ихъ на розбой и на грабежъ. Жаль, что кару понесли лише неопытнѣ люде, а агитаторы напхали свої кешенї и купили собѣ въ городахъ краснѣ палаты. Имъ выплатилася схизма на Подк. Руси. У Галичинѣ не нашли такого глупого народа, якъ туй на Подкарпатю!

Всѣ гр.-кат. церкви на Подкарпатю будовали выключно греко-католики. А нѣ одноѣ церкви не будовали схизматики. Одну одиноку церковь мали гр.-восточнѣ въ Ужгородѣ и ту законно продали ОО. Василіянамъ. Другѣ всѣ были будованѣ гр.-католиками. Теперь найновѣйше починають будовати собѣ деревлянѣ церкви. Найсобѣ будують здоровѣ, хоть намъ не будуть докучати. Але правительство уже выдало напоминаніе нотарамъ выголосити схизматикамъ, чтобы не дуже надѣялися на державну подпору, бо держава не має на такѣ цѣли грошѣ. И се е доста великое розчарованя для схизматиковъ.

Еще 17 церквей маеме въ рукахъ схизматиковъ! Але не бойтесь, прїде черга и на нихъ. Если самовольно не передають, прїде екзекуторъ и возьме одь нихъ. Въ одной порядочной державѣ не можъ терпѣти, чтобы заграблену рѣчъ свободно хосновали розбйники. И такъ доста пошкодило державѣ на заграницѣ то, что схизматики и еретики насильственно забрали церкви гр.-католиковъ.

Най научаться и схизматики, что: Чужого не рушай!

3. Уніонистичный конгресъ въ Велеградѣ. Въ дняхъ одь 20—24 с. г. кончився въ Велеградѣ на Моравіѣ конгресъ, въ котромъ участвовало 18 епископовъ и колька сотъ священиковъ обохъ обрядовъ. Зъ Ужгорода ходила на Велеградъ каѳедральна гармонія. Докладнѣйше розскажемо въ слѣдуючомъ числѣ.

„Да всї єдино б҃дятъ!“

☞ Читайте лишь „Благовѣстникъ!“ ☞

Житя св. малоѣ Терезіѣ.

На колѣнахъ матери.

Терезія скончила 3 роки. Мала довге, ясне волося, великѣ очи, была все весела та любила жарты. Бѣгала изъ кута въ кутъ, до кождого усмѣхнулася, кождого любила. Любила свої 4 сестрички, але найбóльше отця и мамку. Терезія бýла правдиво доброю дочкою. Хоть мала та слабка, не бýла въ силѣ родичамъ много помочи, то однакъ старалася ихъ все розвеселяти.

Она чула одъ матери, что коло кождоѣ дѣтины стоить Ангель Хранитель, та все звѣдала его тихонько:

— Ангелику дорогій, что робити, чтобы мати не плакала?

— Будь чемною, люби еѣ, пести еѣ.

Одъ того часу мала Терезка єще лѣпше прилѣплялася до своеї матери; кидалася ей на шию та сердечно голубила. Мати любила свою пестійку, часто выводила еѣ въ поле, та тамъ учila еѣ гарнýchъ рѣчей.

— Дивися Терезко сесѣ гарнѣ цвѣты Богъ сотворивъ для насъ..

— А птички? — питала Тереза.

— И птички.

— А сонце та звѣзды?

— И сонце та усе, что довкола себе видишъ.

— А якъ Господь се єдѣлавъ?

— Сказавъ: „Най станеся“ и сталося.

— Давно?

— Дуже давно.

— А де я тогды бýла?

— Тебе не было, але Господь думавъ про тебе, что тебе колись зошле на землю.

— А де е Господь Богъ?

— Всюды.

— А я его не виджу.

— Бо Господь е Духомъ — але можеш Его почути въ серденьку.

— Чому Господь Богъ е въ сердцю?

— Бо тебе любить, е такимъ добрымъ Отцемъ, что думае про всѣ дѣти.

— И про цвѣты такожъ?

— И про цвѣты.

— Та про птички?

— И про птички.

Терезія довго думала о томъ, что говорила мати.

Вечерами мати брала еѣ на колѣна та учila складати руки до молитви.

— Терезко! Рано та въ вечеръ мусишъ молитися до Господа Бога. Зложи рученята, клякни та говори: „Добрый Отче, дякую Тобѣ за то, что Ты давъ менѣ мамку, нянька, сестрички. Молю Тебе, дай имъ здоровля, а менѣ добре серденько, чтобы я ихъ любила“.

Терезка повторяла сесъ слова, а потому говорила Отче нашъ, Богородице Дѣво та молитву до Ангела Хранителя.

— Мамко! — говорила одного разу, я любила бы увидѣти Господа Бога.

— Увидиша Его колись въ небѣ! Ахъ! якъ тамъ гарно, Терезко, тамъ только ангеловъ, святихъ та невинныхъ дѣтей!

— А коли пойдеме до неба?

— По смерти.

— Та моѣ братчики суть въ небѣ?

— Зъ певностею, та моляться за тебе.

— А де идуть злѣ люде?

— Если не поправляться, то идуть до пекла.

— А что то е пекло?

— То мѣсто де нема Бога, тамъ пануе великий смутокъ. Тамъ дуже зле.

Терезіѣ станули слзы въ очахъ.

— Мамко! молитися буду, чтобы тамъ никто не достався.

— А ци я пойду до неба? — звѣдала невдовго.

— Такъ — одповѣла матѣрь — если будеш чемною.

— О мамко! — закликали — если не буду чемною то пойду до пекла? О уже знаю, что зроблю. Ты пойдешь до неба, а я пригорнуся до тебе, а ты притиснешь мене крѣпко до себе. Что вдѣ Господь, чтобы мене одъ тебе одлучити?

Та она была пересвѣдчена, что самъ Господь не могбы еѣ одорвати одъ люблячихъ раменъ матери.

Коли еї поклали до сну, довго думала она про небо та думала: Я мушу пойти до неба, та заведу тамъ много, много дѣтей.

Слезы жалю.

— Хочу пойти до неба, мушу быти чемною — повторяла собѣ мала Терезка, та сокотитися, чтобы не дѣлати нѣчого злого.

Якъ порозкидовали еї забавки — мала охоту гнѣватися. Якъ гнѣватися буду — не дойду до неба — говорила собѣ тихенько.

— Терезко, ты певно розбила склянку — закликала сестричка. Терезка почервонѣла, хотѣла дубнути ножкою та сказати: Я нѣколи не розбиваю шклянокъ, але Ангель Хранитель чось шепнувъ еї у серденко, та Терезка нѣчо не одповѣла.

Але часомъ случалося, что и Терезцѣ дачто не удалось.

Одного разу она черезъ неувагу роздерла якійсь взоръ до роботы.

— Сказати Маринѣ, ци нѣть — подумала. Треба зло направити, правда Ангелику? И пошла до сестрички. — Мариню, перепрошую тебе, что я подерла тобѣ взоръ та поцѣлуvala руку найстаршої сестры. Потомъ побѣгла до матери: мамко моя родненька, я была не-чемною, я роздерла Маринѣ красный взоръ. А якъ вернувъ до дому отець, она присунулася до Марини та шепнула: скажи скоро отцеви, что я роздерла папѣръ. И стояла якъ винователька, ждучи на присудъ, переконана, что скорше доступить прощеня, якъ сама себѣ оскаржитъ.

— Ангелику — звѣдала вечеромъ — ци я добре поступила? Ци ты радуешся? — Такъ, голубко все треба признатися до вины, перепросити, тогды Господь Богъ простить тебѣ. Подобнѣ слова гомонѣли въ еѣ серденьку, она цѣловала образокъ Іисуса Христа та говорила зо слезами: Перепрошую Тебе, перепрошу.

Одного дня она пробудилася раненько, але удавала, что спить. Мати одходила зъ дому, та мала охоту еѣ поцѣловати, але не хотѣла будити маленькоѣ донечки.

— Мамко, она вдає, что спить — одозвалася Марина. Мати зблизилася до постельки, а Тerezka скоро сковалася подъ папланъ: Не хочу, чтобы мене кто видѣвъ — закликала. — Не можна такъ жартовать зъ матерю. Зъ мамою треба чесно привитатися — сказала мати, та одойшла.

А въ серденьку одозвався голосъ: Тerezie, ты засмутила мамку, иди проси прощення. Сейчась Тerezka выбѣгла изъ комнаты, кинулася матери на шию та просила: мамко, я провинилася, прости менѣ. Мати приголубила пестійку, — отерла слезы, а Ангель Хранитель зновъ радовався.

Іншимъ разомъ она засмутила отца. А она такъ його любила! Якъ вертавъ до дому, выбѣгала ему на встречу, ставала на ноги, а онъ обносивъ еѣ по комнатахъ, по городѣ. Потомъ бравъ Тerezку на руки, подносивъ въ гору, саджавъ на рамена, голубивъ. Называвъ еї малою царѣвною.

Але одного разу царѣвна була неченою. Гойдалася весело, якъ надойшовъ отець та закликавъ: Мала царѣвно, прійди мене поцѣловати. Але Тerezka не рушилася зъ мѣста, такъ добре ей було гойдатися. — Не зайду, за нѣчто въ свѣтѣ не зайду — думає собѣ, та закликала: Няньку, прійди ты до мене. Отець зморщивъ чоло та одойшовъ, а Марина суворо напомнила Тerezку: мала пустѣйко! То погано такъ одповѣдати. Царѣвна порозумѣла, что зле зробила, вибухла плачемъ, скочила зъ гайданки та наповнила крикомъ весь домъ: Отчику! Я уже нѣколи такъ не учиню, лишь не гнѣвайся.

Отець поцѣловавъ свою царѣвну та простили. При вечерній молитвѣ Тerezka довго дивилася на статуйку малого Іисуса, а цѣлюючи его стопы говорила: Нянько простили, не гнѣвайся и Ты на мене. — А слези жалю спадали на Божѣ ножки. Божа ручка благословила дѣтину.

(Продовження буде).

Реколекціѣ для учительовъ.

Въ дняхъ одъ 15—19 авгуستа с. г. будуть кончитися реколекціѣ для учительовъ. Початокъ въ понедѣлокъ (15. VIII.) о год. 6-той вечеромъ въ семинарской каплицѣ. Тревати будуть черезъ три днѣ. Конецъ въ пятницу (19. авг.) рано. Участники будуть бывати въ семинарїѣ. Тамже достануть и кость за отвѣтнимъ вознагражденіемъ. Принести зъ собою заголовокъ, покровецъ и плахту. — Зголосеня заганяти до Впр. о. А. Хири, спиритуала въ Ужгородѣ, Замокъ найдальше до 10. августиа.

Управа Т-ва св. Іосафата.


Мѣсячное намѣреніе на Августъ.

...чтобы христіяне не оскорбляли Бога единого ворожбітствомъ (спиритизмомъ).

Богъ въ першой заповѣди забороняє всякого роду суевѣрія, чаровництво и ворожбітство. Ворожбітствомъ грѣшить той, кто хоче вивѣдатися скрытъ рѣчи, призываючи до сего выразно, або мовчки помочи злого духа.

Сей родъ забобона е дуже розширеный меже западными культурными народами. Они сходжуються на такъ званъ сеансы и тамъ черезъ медіумовъ даютъ прикликати нѣбы душъ умершихъ и зъ ними говорять. Наука доказала, что въ сихъ дѣлахъ е много обманствъ, але и того не можъ перечити, что туй дѣйствує якась надприродна сила. Яка сила? Добра не може быти, бо на такихъ сеансахъ не разъ дѣються всякъ безбожнъ дѣла. И такъ на тыхъ спиритистичныхъ сеансахъ дѣйствовать може лише злый духъ, діяволъ. Зато христіянамъ въ такихъ дѣлахъ, где якусь ролю мае діяволъ не свободно участь брати.

Зъ подобными дѣйствіями діявола стрѣтимеся и въ св. Писанію. Въ Дѣяніяхъ Апостолскихъ читаеме, что св. Павелъ смертю покаравъ чаредѣйцю Еліму на островѣ Кипрѣ; такожъ и св. Петро смертю каравъ Симона, кто зъ помочію діявола робивъ чудеснѣ дѣла. Якъ съ два верховнѣ апостолы осудили ворожбітство само такъ и Христова Церковь осужує всякое сполученя зъ злымъ духомъ. Молимся отже добрѣ христіяне, чтобы люде розорвали всякую связь зъ діяволомъ и не служили забобонови ворожбітства.



Св. миссія. Въ Няговѣ (Мараморошъ) одъ 9-го юлія до 12-го была заряджена св. миссія, на которой якъ місіонеры участвовали: о. Стефанъ Решетило ЧСВВ., о. Теофанъ Скиба ЧСВВ. и о. Вас. Ларь веречанскій духовникъ. Св. миссія прекрасно удалася, вѣрники точно приходили на св. проповѣди и одушевленно слухали прекраснѣ проповѣди оо. місіонаровъ. 1.100 душъ пріймало до себе Іисуса въ Пресв. Евхаристії. На самый день праздника св. ап. Петра и Павла, коли дозволеніемъ св. престола римского, первый разъ одбывся одпуть при Няговской гр. каѳ. церкви, изъ всѣхъ сель долины Тересвы, горнулися богобойнѣ вѣрники, чтобы быти участниками великихъ плодовъ душевныхъ, ласки Божой. Выше 3.000 народа появилось зъ отцами духовными, которыхъ окремъ мѣстного пароха было 10 на первый одпуть и на законченю св. миссії. Велику торжественну службу на самый праздникъ кончили о. Іоаннъ Егрешій архидіяконъ тячовскій,

о. Симеонъ Желтвай, парохъ грушовскій и о. Михаилъ Бендасъ, парохъ новоселскій. По св. службѣ было посвященія міссійного креста, обходъ коло церкви и прощальна бесѣда оо. місіонаровъ. Со слезами въ очахъ слухавъ народъ послѣдніхъ словъ о. Теофана Скибы и видно было въ очахъ тверду волю и обѣщаніе, что нѣколи не дастся звести зъ дороги правды Божоѣ, и всякихъ ложныхъ пророковъ далеко одстранить одѣ себѣ.

О прекраснѣ то были днѣ ис забудеме ихъ нѣколи! Най Господь дастъ нашимъ отцамъ місіонарамъ и на дальше тоту горячу любовъ до Христа Іисуса до его св. вѣры, которая же не ихъ по нашихъ схизмою розбуреныхъ сelaхъ, не желающи одѣ себѣ ни здоровля ни труду, которая любовь одну цѣль мае спасеніе души. Боже дай, чтобы и нашъ схизмою зболшевизованѣ братя вернулися на тоту однисеньку дорогу, которую показуе лишь соборна, каѳолическа Церковь и которая певно доведе ихъ до огляданя лица Божого. Боже дай, абы всѣ едино были!

Конецъ фиглямъ. Памятають нашъ читателъ на тоту битву, что случилася при передаваню церкви въ Раховѣ еще года 1926 (2-го янв.). Схизматики озброенѣ сокирою, камѣнями, хрестами, колами напали на греко-каѳоликовъ, и на жандаровъ. Незвычайною яростю зверталися противъ мѣстного о. духовника Даніеловича, кого одень розяреный схизматикъ мало что не забивъ сокирою. Коли одбили напады схизматиковъ, жандары на корушѣ найшли велику купу камѣньовъ, чимъ „православнѣ“ хотѣли обороняти або розширити свою славну вѣру. (Ба одѣ кого они научилися такими средствами проповѣдати Христову вѣру?!) Виновники были поставленѣ передъ судъ и судъ зробивъ свое, осудивъ кождого изъ нихъ на меньшу-большу кару. Подаме и имена тыхъ осужденыхъ, чтобы видѣвъ весь свѣтъ, что не можно безкарно порушити чужий маєтокъ. Достали: Н. Брана Гаврилякъ 10 мѣс., Ст. Ворохта 8 м., Дем. Брана 4 м., Ф. Павлюкъ 4 м., Анна Чаповска 4 м., М. Чаповскій 5 м., Ив. Ворохта 8 м., Юр. Костанъ 6 м., Вас. Бендакъ 4 м., Мар. Михалюкова 3 м., Кат. Мелничукова. Окремъ сего кождый доставъ и грошеву кару одѣ 40 до 160 Кч. Се е выслѣдъ того, что люде такъ легко повѣрять батюшкамъ. Зводженѣ люде терплять по темницяхъ, а батюшка дальше проповѣдае „Евангеліе и св. православіе“. Раховскій батюхъ Евфимій Прокопъ хвалиться тымъ, что уже забравъ 50 церквей, але ци похвалиться тымъ, же сколько людей сидять про его геройство въ темницѣ и колькимъ забрали послѣдній кусокъ землѣ за св. „православіе“!!

Миссія въ Становѣ. Концемъ мѣсяця юнѣя была подержана Миссія въ Становѣ (ж. Берег). Проповѣди держали: Ст. Решетило ЧСВВ. Т. Скиба ЧСВВ. Іоанъ Слукъ и Юл. Желтвай. Великое множество народа зъ слезами въ очахъ слухали пре-

краснѣ слова оо. місіонаровъ. Сповѣдниковъ и причастниковъ было до. 1.000.

Переслѣдованіе христіянства комунистами. Въ Россіи комунистична управа замкнула найкрасший Петроградский соборъ Исааковский и перемѣнила его

въ музей. Въ Минску передали одну церковъ „Живоцерковниками“; подчась первого Богослуженія повстала горяча бойка между „православными“ и живоцерковниками. Религійное житя въ Россіи такъ подупало, что на пр. въ роцѣ 1926 изъ сто вѣнчанъ было только 22 завязано въ церкви а изъ 100 похороновъ лише 60-одбылося церковнымъ одпроводомъ.

Паленя мертвыхъ. Пражскій епископъ выдавъ листъ противъ паленя людскихъ тѣлъ мѣсто христіянского погребенія. Пишуть намъ, что гдеjakъ батюшки (Кенизъ) такожъ достали одъ гуситовъ обѣжники, чтобы познакомили вѣрниковъ зъ поганскимъ звычаемъ паленя людскаго тѣла по смерти. Батюшки не смѣютъ се выголошовати вѣрникамъ и обѣжники посылають назадъ.

Гусовъ праздникъ сего року одбывся цѣлкомъ мирно и въ рамкахъ скромныхъ. Не бывъ присутный нѣ президентъ нѣ Швегла. Се е знакомъ того, что чеськое правительство хоче въ мирѣ жити зъ Римомъ и у короткій часъ вернеся до Праги посолъ апостолскаго престола.

Въ Палестинѣ великое землетрясеніе было. Цѣлѣ города, цѣлѣ околицѣ стали жертвою Божаго допуста. Якъ знаеме Англія хотѣла тамъ обновити давну жидовску державу и премного грошей выдала на збудованія Палестины и розвила широку агитацію, чтобы жиды поселялися въ Палестинѣ. Теперь землетрясеніе такъ спустило той край, что англичане залишають цѣлу акцію и не будуть дальше заниматися думкою обновленія

жидовскаго царства. Колись и Юліанъ Одступникъ, чтобы противитися пророчествамъ Христа, хотѣвъ збудовати стѣны Іерусалима... И тогда повстало велике землетрясеніе...

Крышаться дальше. Пишуть намъ, что въ селѣ Кричово передники православія Василь Вороничъ и его товаришъ, котрѣ вымѣтали нашего греко-каѳ. священника — уже перейшли на суботницку вѣру. Казали, что въ православію не с правды. Вернутися назадъ до правдивоѣ гр.-каѳ. вѣры не смѣютъ, бо кажуть, что то ганьба. Зато переходять на цѣлкомъ чужу и нову вѣру, что недавно выдумали люде. Теперь лишь то кажуть, что не треба много вѣровати, дѣтей крестити не треба, нѣ святыхъ почитати. Доста вѣровати то, что въ Библії въ 10-ой главѣ е (?). Такъ то є зъ тымъ кто одорвася одъ живого пня — Христа. Сохне и згине душевно. На жаль у насъ „православіе“ се лише переходъ до иншихъ ересяй и до совершенного безвѣрія.

Епархіальний конкурсъ. Дня 5-го юля бывъ подержаный конкурсъ клериковъ въ Ужгородѣ. Приняли 5 матурантовъ. Двохъ изъ Ужгороду, двохъ изъ Берегова и одного изъ Мукачова.

Оголошення. Появилася нова образкова христіянска газета: „Sfâstna Rodina“. Тымъ котрѣ знаютъ по чеськи тепло вручаеме, бо е добре редакторана заосмотрена красными образками и что головно, наповнена христіянскимъ духомъ. Редакція: Praha II., Spalena ul. 15. Предплата на рокъ лише 15 Кч.